



PRIVREDNA KOMORA KANTONA SARAJEVO

Broj: 04/MK/16-63/09

Sarajevo, 10.06.2009. godine

Bosna i Hercegovina
Federacija Bosne i Hercegovine
KANTON SARAJEVO
Vlada Kantona Sarajevo

Veza vaš broj: 01-02-13213/09 od 14.05.2009. godine

Predmet: Mišljenja i prijedlozi na Nacrt zakona o sudskim taksama

Poštovani,

Privredna komora Kantona Sarajevo je, nakon obavljenih konsultacija sa članovima Komore, ocijenila veoma važnim da je neophodno izvršiti određene izmjene datog Nacrta kako bi se donio Zakon koji bi omogućio jednak tretman svih stranaka u postupku pred sudom.

U ostavljenom roku za javnu raspravu, dostavljamo vam sljedeća mišljenja i prijedloge:

I - MIŠLJENJA

- Ponuđeni tekst Nacrta zakona o sudskim taksama ima intenciju (većinom) povećanja iznosa sudske takse, a ne harmonizaciju zakonskog okvira na nivou Federacije BiH, kakva je bila i preporuka Visokog sudskog i tužilačkog vijeća (VSTV).
- Poučeni dosadašnjim radom sudova i njihovom nedovoljnom efikasnošću ukazujemo da se produženjem roka zastare prava na naplatu sudske takse, sa dvije na pet godina, ostavlja prostor za dodatno, ležernije postupanje suda.
- Značajnim povećanjem sudske takse neće se osigurati svakom građaninu pravo na nesmetan pristup sudu i pravo na pravično odlučivanje. Mnogi građani neće moći ostvariti pravo na oslobađanje obaveze plaćanja takse ali će taksa značiti veliko opterećenje i dovesti u dilemu da li uopće pokretati postupak na sudu. Primjer: Upisi i izvodi iz zemljišnih knjiga, upisi i brisanje upisa u Registru, potvrda o pravosnažnosti i izvršnosti, prijava povjerilaca u postupku stečaja (1% vrijednosti potraživanja, a ukoliko povjerilac ne može naplatiti potraživanja ima samo trošak koji može biti i do 10.000 KM).



71000 Sarajevo, La Benevolencija 8,

Tel. (00 387 33) 250 100, 250 101, 250 196, Fax: (00 387 33) 250 137, 250 139

www.pksa.com.ba; webmaster@pksa.com.ba



- U okviru Projekta smanjenja velikog broja sudskih predmeta (komunalnih) od strane suda je predloženo utvrđivanje minimalne sudske takse od 10 KM za prijedloge za izvršenje na osnovu vjerodostojne isprave, plus 5 KM na odluku (Rješenje). Smatramo da ovakvo zakonsko rješenje neće uticati na smanjenje broja predmeta komunalnih preduzeća nego u znatnoj mjeri povećati troškove.
- Ponukani dosadašnjim iskustvom smatramo da veća sudska taksa neće doprinijeti efikasnijem radu sudova koji se ogleda u bržem rješavanju predmeta.

II- PRIJEDLOZI

1. **U članu 3. stav (1) Nacrta zakona o sudskim taksama, riječ «obavezno» brisati**, tako da bi ovaj stav trebao da glasi:
«Uz podnesak (tužba, prijedlog, pravni lijek i dr.) dostavlja se dokaz o plaćenju taksi.»

Obrazloženje:

Prema odredbama navedenog člana prilikom podnošenja prijedloga za dozvolu izvršenja javna preduzeća koja godišnje podnose sudu veliki broj prijedloga bi bila u obavezi da uz svaki prijedlog za izdavanje rješenja o dozvoli izvršenja prilože i dokaz o uplaćenju taksi što bi značajno povećalo troškove utuženja.

2. **U članu 4. stav (2), riječi «Sud neće poduzimati nikakve radnje ako takseni obveznik nije platio taksu propisanu ovim zakonom», brisati**, tako da bi ovaj stav trebao da glasi:
«U slučaju podnošenja podneska bez dokaza o plaćenju taksi, sud će pozvati stranku, odnosno njenog punomoćnika, da se uplati taksa u roku od 8 dana, uz upozorenje da će joj podnesak biti vraćen. Ako stranka ne ispoštuje određeni rok, sud će podnesak vratiti uz obavijest da je vraćen zbog neplaćanja sudske takse.»
3. **U članu 4. stav (2) briše se.**

Obrazloženje:

Neprihvatljivo je rješenje da sud neće preduzimati nikakve radnje, kao i da neće teći rokovi po Zakonu o parničnom postupku, dok se ne plati sudska taksa ili dok sud nije riješio zahtjev za oslobađanje od plaćanja takse jer postoje propisani mehanizmi za naplatu takse koje treba samo primijeniti.

4. **U članu 7. u stavu (2) brisati tačku i dodati riječi: «, a ako je iznos takse manji od 50 KM može se platiti u sudskim taksenim markama.**

Obrazloženje:

Strankama u sudskim postupcima treba dati mogućnost da same procijene da li im je praktičnije i cjelishodnije da sudsku taksu plaćaju gotovinom ili u sudskim taksenim markama.

TARIFA SUDSKIH TAKSI

- 1. U tarifnom broju 1. stav (1) izmijeniti tako da se zadrži postojeće zakonsko rješenje plaćanja takse u %.**

Obrazloženje:

Ovo rješenje se predlaže zato što je realnije i opravdanije da se sudska taksa izračunava u % od vrijednosti spora a ne da se utvrđuje u fiksnom iznosu kako je to predloženo u Tarifnom broju 1. stav (1) Nacrta.

- 2. U tarifnom broju 1. stav (8) briše se.**

Obrazloženje:

Izdvajanje i uplata ovog iznosa mogla bi imati negativan uticaj na daljnje poslovanje preduzeća (npr. 50.000 prijedloga za dozvolu izvršenja na ime takse uplatilo bi se 500.000,00 KM). Vrlo je neizvjesno kada bi preduzeće moglo kroz naplatu troškova po podnijetim prijedlozima povratiti bar dio unaprijed plaćenog iznosa.

Posebna primjedba je data na male cijene mjesečnih usluga koje su preduzeća dužna utužiti kako bi prekinuli zastaru potraživanja i sprečili krivičnu odgovornost za nesavjesno poslovanje, tako da su preduzeća prisiljena podnositi prijedloge za izvršenje i kada se radi o dugu 1,00 KM. Preovladava mišljenje da je cilj utvrđivanja ove odredbe Zakona bio da se upravo sudu ne podnose prijedlozi za izvršenje sa malim iznosima potraživanja. Međutim, potraživanje je potraživanje bez obzira na iznos i niko nema pravo da ne poduzme potrebne mjere da naplati svoje potraživanje.

- 3. I ostale odredbe Zakona potrebno je uskladiti sa datim primjedbama i prijedlozima.**

S poštovanjem,

PREDSJEDNIK

Kemal Grebo, dipl.oec.